

La doturia Grete Mahlknecht é demez dai 18 cina ai 22 de dezëmber, y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

En sabeda, 23 de dezëmber, é la poscibilitè da se confessé pro Padre Agnello Stoia da Roma, dales 9.00 ales 11.00 tla dljia da San Martin.

Sëgn da Nadé, festa dl amur, n'él tres deplü che fej scincundes alternatives ch'an pò aposté pro la Caritas, ti dón ala usanza da scinché n significat nü. Al é scincundes che dèida jënt dala meseria te Südtirol o foradecá da superé crises, da paré la fan o che dèida families da se costruì instèsses na basa economica. Impede ti fá diretamënter na scincunda a familiars o conescënc pón aposté scincundes proponüdes dala Caritas, ch'ara ti dará a jënt che á debojëgn. La porsona al inom de chëra che la scincunda vëgn fata ciafa spo dala Caritas n atestat dla destinaziun dla scincunda. Les scincundes pó gní apostades pro la Caritas sot a www.caritas.bz.it che mëna spo por e-mail l'atestat personalisé cun chël ch'al vëgn comuniché co y olach'al vëgn daidé. Por ejëmpl: Impede ciafé da me na scincunda, ciafa mi familiar o conescënt n atestat dala Caritas ch'al é gnü fat a so inom na scincunda por le fin che é gnü dé dant.

La Diozeja Balsan Porsenú á publiché le program di iadi y di peregrinaji por l'ann 2024 ch'i ciaféis sot a www.bz-bx.net/de/pilgerbuero.html.

SAN MARTIN

Bel dilan dles ofertes fates en recordanza dl defunt Giovanni Rubatscher dai compagns cartadus Paul, Sepl y Alfred y da families Frenner Lovara.

Mituns y geniturs é dër bel inviá en sabeda, ai 23 de dezëmber, dales 16.30 ales 18.00 a na picia festa dan le paiun por ti ciaré al calënder d'Advënt "Sön tru incuntra a Nadé" cun dessëgn di mituns y mitans dla elementara ite por Chi Pinis. Al sará por düc val' da bëre y da mangé. Gnide tröc!

LUNGIARÜ

En chësta domënia, ai 17 de dezëmber, sarál ciamò do mëssa la poscibilitè da podèi cumpré tl local dl cor patüc dl marcé de Santa Lizia por chi che n'á nia albü l'ocajun en Santa Lizia do mëssa.

La Scora de Musiga inviëia dër bel ai conzerc da Nadé en lönesc ai 18 de dezëmber dales 18.00 tla dljia d'Al Plan y en mercui ai 20 de dezëmber dales 18.00 tla dljia de Badia.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

17.12. - 24.12.23 n. 03

ultimo termo por comunicaziuns: jöbia, dales 20.00

3^a Domënia d'Advënt - B

Vangele do san Jan 1,6-8.19-28

Canche i iüdes â ortié da Ierusalem infora proi y levié da d'ël cun la domanda: Chê este pa tö?, à confessé y n'á nia loghené; al à confessé: Iö ne sun nia le Messia. Ai l'á damanè: Chê este pa spo? Este Elia? Y al à dit: I ne le sun nia. Este tö le profet? Al à respognü: Nou. Dailò l'á damanè: Chê este pa tö? I messun ti dè resposta a chi che nes á menè. Cí nen dijeste pa de tè instës? Al à dit: Iö sun la usc de chël che scraia tl desert: Avaliedi le tru al Signur!, sciöche le profet Isaia à dit. Danter chi ch'ê gnüs ortiá a damanè, èl incé farisês. Ai à damanè Jan: Ciodí batiëieste pa spo, sce te n'es no le Messia, no Elia, no le profet? Al ti à respognü: Iö batiëii cun ega. Amesa os ite n'él un, ch'i ne conescëis nia, èl é chël che vëgn do da mè, y iö ne sun nia dëgn de ti desciolè i cialzá.



Ci che m'imprescionëia te chësc vangele é les domandes che la jënt sön tru da jí da Jan Batista é por ti fá : Chê este pa? Ciodí batiëieste pa? Ci dessun pa ti dí de te a chi che s'á mené? Ci nen dijeste pa tö instës de te?


*I ne savun nia sce la jënt á capí les respostes.
Mo i savun ch'ai damaná y ch'ai sighthá da damané.*

Damané ó dí: S'oje pomez y ester interessá, ne savëi nia döt, n'ester nia sigüsc, tigní pro y avëi paziënza.

Ne sté nia ma pro se instësc y n'avëi nia instësc dotes les respostes.

Damané ó dí: ester daverc, dejidrusc y vis. A chësc é Jan che nes inviëia. Al é na buna predisposiziun da incunté Chël Bel Dí instës.

Christine Rod MC

EDEMA - ANN "B"	SAN MARTIN	LUNGIARÜ	
<p>17.12.23 3^a Domènia d'Advènt B "Gaudete!"</p>	<p>9.30 Corona por + Giovanni Rubatscher 10.00 Gran Mëssa por la comunité Rorate por düc i colauradus dla Cöra Rorate dla Uniun dl guant da zacan 2^a de sopoltöra de + Giovanni Rubatscher + Siegfried Zingerle (dl ann) + + Giovanni y Teresa Flöss vis y def. de chi dla classa 1953</p>	<p>7.50 Corona 8.15 Gran Mëssa por la comunité Rorate por la Uniun di Stödafüch Rorate por la Uniun dl KVV por les families de Pio Clara + + de Balzé / + + d'Alní / + + de Vanc dl ann + Franz Frenademez vis y def. de chi dla classa 1953</p>	<p>En chisc dis dan Nadé präia la Dlijia tres danü: VÍ Signur! y lapró ti dára deplü inoms: Oh Sapiënza, oh Raisc de Iesse, Stëra dla doman, Re di popui, Emanuel.</p>  <p>La Dlijia aspeta sciöche Maria ch'al nascas. Te so daite ará la jona Maria sintí ci che dötes les ères sint te chësc tēmp particular: sentimēnc dl corp y dl'anima che ti dē da capí che so pope dô nasce. Y te so cōr ti arāra dessigü dit al mōt ch'ara portá te so gremo: VÍ, i ó odēi to müs, deach'al m'é gnü dit che te saras gran!</p> <p>Chësta é na esperiënza spirituala, ch'i fajun ince sciöche Dlijia, deach'i acompagnun la Uma de Dî sön chësc tru de aspetanza y orun ti dé prescia a so nadé.</p> <p>En realté vëgn le Signur dui iadi: le pröm iade da Nadé dan 2000 agn, canch'al é nasciü tla cern, y spo vëgnel ala fin di tēmps a stlüje jö la storia. Mo san Bornert da Clairvaux dij ch'al é n terzo avënt: l'avënt che sozed vigni de. Le Signur vëgn vigni de a vijité süa Dlijia. Al vëgn a chirí vignun. Porchël ti somëia nosta anima ala Dlijia y ara ti somëia ince a Maria. Insciö dij i Peri dla Dlijia che Maria, la Dlijia y nosta anima é feminiles. Ci ch'an dij de öna pón ince dí dl'atra. Nosta anima aspeta, ara aspeta l'avënt dl Signur. Ara é daverta y chërda "VÍ, Signur!" Sciöche Maria orunse l'aspeté muntri y cun atenziun. Porchël se damanunse: Unse nosta anima daverta y leria assá, arjignada da tó sō le Signur? Por ch'al veles les parores dl responsore: Incö desses savēi che le Signur vëgn. Y indoman odarëise süa gloria. <i>da pinsiers de Papa Francësch</i></p>
<p>18.12.23 Lönesc Grazian, Ildefons</p>		<p>7.45 Mëssa/Rorate por i scolars por les families de Consolata Nagler + Zita Mischi Dapoz + + Giovanni y Rita Clara</p>	
<p>19.12.23 Dedolönesc Susana, Beniamin</p>	<p>19.00 Mëssa/Rorate + + Alfred y Erica Videsott dl ann + + Loise y Sciandro Dasser dl ann + Isidoro Verginer</p>		
<p>20.12.23 Dedemesaledema Heinrich, Regina, Eugen</p>		<p>19.30 Mëssa/Rorate Rorate por la Uniun di Seniors Rorate por le Cor de dlíjia por les families de Tini y Dorina Clara + + de Ghestan</p>	
<p>21.12.23 Jöbia Pire, Richard</p>			
<p>22.12.23 Iuta, Marian Vëndres</p>	<p>18.30 Adoraziun chîta 19.00 Adoraziun deboriada</p>		
<p>23.12.23 Sabeda Jan da Cracau, Ivo</p>	<p>9.00 -11.30 Confesciuns (padre Agnello) 18.30 Mëssa prefestia/Rorate Rorate por i Cresimanc Rorate por la Uniun di Jogn y Jones Rorate di Stödafüch 3^a de sopolt. de Giovanni Rubatscher + Loise Ploner Unterweger</p>		
<p>24.12.23 4^a Domènia d'Advènt B Vëia de Nadé</p>	<p>9.30 Corona (padre Agnello Stoia) 10.00 Gran Mëssa por la comunité + Loise Ploner Unterweger de rengr. fam. Paul y Valeria Pedevilla + + fam. Sepl Frenner 16.00 Funziun da Nadé por mituns y mitans y families 21.00 Mëssa de Madovines (p. Franz) por le Cor de dlíjia</p>	<p>7.50 Corona 8.15 Gran Mëssa por la comunité por les families dl Sanví por familia de Albino Schanung aniv. + Kathi y Johann Tatz 19.00 Mëssa de Madovines en onú de Santa Maria por la comunité</p>	